

關名

楊承和
楊復光

李輔國

劉重約
宋光祿

李朝正

李順融

竹居攷屢

全唐文


卷九百九十五之九百九十八

戲名
瑞承
德元

李相國
制堂
宋元森

李相國
李相國
李相國


竹居樓座



全唐文
卷之四百五十五

定全唐文卷九百九十五目錄

闕名 三十六



故銀青光祿大夫祕書監兼昭文館學士侍讀上

柱國常山縣開國公贈潤州刺史馬公墓誌銘

大唐故陪戎校尉崔府君墓誌銘

大唐故朝散大夫京苑總監上柱國姑府君墓誌

銘

陳憲墓誌銘

唐故延州膚施縣令上柱國于公墓誌銘

金定全唐文 卷九十五
大唐故京兆府美原縣尉張府君墓誌銘

大唐故范氏夫人墓誌銘

大唐故監察御史荊州大都督府法曹參軍趙府

君墓誌銘

唐故義興周夫人墓誌銘

唐故衛府君劉夫人合葬墓誌銘

吏部常選廣宗郡潘府君墓誌銘

唐故雲麾將軍行右龍武軍將軍上柱國開國侯

南陽張公墓誌銘

游擊將軍守左衛馬邑郡尚德府折衝都尉左龍

武軍宿衛上柱國張府君墓誌銘

張從師墓誌

成紀府左果毅張公墓誌銘

上柱國梁府君墓誌銘

于府君墓誌銘

唐故朗州武陵縣令博陵瞿府君墓誌銘

唐故濮陽卞氏墓誌銘

...

...

...

...

...

...

...

...

欽定全唐文卷九百九十五

闕名

三十六

故銀青光祿大夫祕書監兼昭文館學士侍讀上

柱國常山縣開國公贈潤州刺史馬公墓誌銘

公諱懷素字貞規本原扶風其先自伯翳馬服具諸史載
暨漢南郡太守融命代大儒公即其後也十一代祖機抗
直不撓晉御史中丞扈元帝渡江家南徐州丹徒故今爲
郡人也代以學聞高祖涓博綜墳典仕陳爲奉朝請曾祖
法雄慷慨倜儻好孫吳不事筆研陳橫埜將軍祖果願學

禮經不隕素業即學士樞之從父兄也少爲尚書毛喜所知陳本州文學從事父文超果行毓德精意易道及洪範頗曉氣候貞觀中以有事遼泝策名勲府龍朔初黜陟使舉檢校江州尋陽丞棄官從好遂寓居廣陵與學士孟文意魏令謨專爲討論具有撰著公即尋陽府君第三子也幼聰穎六歲能誦書一見不忘氣韻和雅鄉黨以爲必興此宗十五徧誦詩禮騷雅能屬文有史力長史魚承噓特見器異舉孝廉引同載入洛

闕一字

尚書倉部郎河東裴安

之博學深識見名知人音旨儀形海內藉甚公年甫弱冠

便蒙引汲令與子

闕一字

研覃遂博遊史籍無不畢綜以文

學優贍對策乙科乃尉郿無何丁太夫人

闕二字

憂即陳學

士宏直曾孫女也本自名家貞高博識公在艱疚骨立柴

毀殆不勝喪服闋授麟臺正字少監京兆韋方直好學喜

士善飛白書以公既及冠禮未嘗立字遂大署飛白云懷

素字貞規扶風之學士也封以相遺其爲時賢所重如此

以忠鯁舉除左鷹揚衛兵曹參軍轉咸陽尉皆則天太后

大崇諫職授左拾遺深盡規諷尋改左臺監察御史歷殿

中彈糾不避彊禦加朝散大夫轉詹尹丞朝論稱屈遷禮

部員外郎與范陽盧懷慎隴西李傑俱以清白嚴明分爲

十道按察以公詞學贍洽精覈文章轉授考功員外郎修

文館直學士遷中書舍人與李乂同掌黃畫踰年檢校吏

部侍郎實允僉字闕一屬朝廷以刑政所急改授大理少卿

關畿佇材除虢州刺史惠實在人入爲太子少詹事判刑

部侍郎加銀青光祿大夫兼判禮部尋而正除刑部時稱

愼恤轉戶部侍郎上以河南蝗旱令公馳驛賑給宣布聖

澤所至甘雨使迴拜光祿卿遷左散騎常侍轉祕書監四

部舛雜頗多殘蠹公倍加校定廣內充積加兼昭文館學

士與右散騎常侍褚无量更日入內侍讀每至宮門恩勅

令

闕一字

小舉上殿自車丞相已來殆將千載始見此禮公

疇日自序云慕善嫉惡好學潔已自謂不慚古人無負幽

明矣直哉是言不騫厥信以開元六年三月十日遘疾中

旨遣御醫賜藥相望道路以開元六年七月廿七日終於

河南之毓材里第春秋六十皇上輟朝二日舉哀

闕一字

次

乃下制曰存樹高烈君子所以立身沒垂令名古人所以

貽範銀青光祿大夫故祕書監兼昭文館學士侍讀上柱

國常山縣開國公馬懷素越箭舍貞楚材登用清芬獨映

至德可師自服勤典籍納訓帷宸輔朕以媿道弼予以正
言允資惠迪實表泉懿而曾不憖留歟焉彫落思甘盤之
舊學臨宣明以增歎興言感愴用震悼於厥懷可贈使持
節潤州諸軍事潤州刺史贈物三百廿段米粟三百廿碩
喪葬所須並令官給京官六品一人檢校公雖累登臺閣
率身儉素俸祿之資賙贍親友及啟手歸全家無資產惟
有書數千卷以爲燕翼以其年十月十三日寔於洛陽古
城之北原禮也有子異等雖年在童孺禮過成人棘心樂
樂感於鄰巷敬勒行事以旌泉戶銘曰

益佐理水功施生人羨於馬服守趙却秦東京戚貴南郡

儒珍德先惟永奕奕振振

其一

朝請風素橫埜矛戟從事顓

禮尋陽洞易公自名家伏膺經籍鼓鐘外遠純漆內積

其二

用材南楚待問東堂持斧作憲含香拜郎再飛禁掖七踐

文昌國傳茅土巷擁旂常

其三

井春紛綸桓榮稽古行儒師

逸高迹誰伍公實踵之堂奧斯覩匪徒外潤爰歸內補

其四

惟昔殷后學於甘盤一期千載遇君則難充堂阿那其臭

如蘭懿哉夫子斯言不刊

其五

仁謂必壽神期式穀生寄雖

浮夜趨何速寵極韓賜恩深衛哭徒望邢山豈忘喬木

其六

崢嶸徂歲寂歷空岑白日無影寒雲半陰燕城表滅漢水
碑沈貞臣之墓樵牧誰侵其七

大唐故陪戎校尉崔府君墓誌銘

君諱相清河人也神農之苗胄太公之允緒原夫魚吞呂
釣應同載以歸周龍躍崔津表嘉名以誕慶曾祖懷隋任
鄭州司馬祖文觀隋任豪州錄事參軍或六條布政揚至
德以宣風或千里輔仁翊公平以闡化君高門華緒間代
清姿椅桐吸日月之光松柏挺風霜之節方冀南山錫壽
永駐顏齡何期北帝遊魂先悲過隙嗚呼哀哉以開元十

年二月廿一日終於私第春秋六十有八夫人丁氏蘇氏
李氏並母儀婉順婦德惠和移鄰之慶早彰舉按之驪夙
備庶期千月壽保百齡冀椿鶴而齊年奄茵蟒而等謝越
開元十年三月八日合祔於村西北二里平原禮也左榮
澤右成皋峨峨飛嶠鎮其前滔滔黃河灌其後嗚呼玉樹
雙埋金聲兩絕白日杳而三千歲黃泉深而幾萬里悲風
起而松柏哀冷露泣而蓬蒿泣嗣子待賓等瞻天靡訴叩
地無追長縈銜索之悲永結殮荼之苦銘曰

東光不駐西影彌催崑山玉碎蘭苑香摧元霄易掩白日

難開母儀夙備婦德早彰匣中劍折鏡裏鸞亡乾坤載合
琴瑟重張森森翠柏騷騷白楊千秋播馥萬代流芳

大唐故朝散大夫京苑總監上柱國茹府君墓誌

銘

君諱守福京兆人也蓋周之遺苗鄭之遠允也昔六國分
峙茹姬爲魏后之妃七雄並爭茹耳爲韓王之相自周歷
漢洎晉迄隋朱輪華轂金章紫綬代有人矣曾祖譽祖宏
善並耿介清素通欽儒風高蹈邱園不仕於世父行本上
柱國魁岸長者風神駿拔載疇符爵克著勲庸君自始成

人預展心力出入扃禁宿衛先朝武太后時選補右領軍
衛長上考滿授芳州仁里府別將仍於定陵押當畢授隴
州大候府果毅君職雖戎武而學重儒文清慎自出於本
心廉讓實由其天性書則尤工草隸算乃妙洞章程伯英
慙其筆力宏羊服其心計藝術超邁聲華日聞屬開元祚
興選舉尤慎特進王毛仲聞而重之召爲監牧都使判官
於是隴右巡檢頻爲稱職遷懷州吳澤府果毅考滿擢授
京苑總監雜掌農衡考課元最頻厯數職判官如故前後
十餘歲焉豈非碩人令德善始善終者也君幼而聰敏內